

Sut rydych chi'n llunio ein strategaeth 10 mlynedd newydd

16/11/2022



Diweddariad ar yr adborth a gawsom drwy ein hymgysylltiad strategaeth a beth mae hyn yn ei olygu ar gyfer sut rydym yn cefnogi treftadaeth y DU.

Dros yr haf, cafodd dros 4,400 o bobl ddweud eu dweud ar ein strategaeth newydd uchelgeisiol drwy arolygon, sgysiau, gweithdai ac ymchwil a gomisiynwyd gan ymgynghorwyr BritainThinks.

Mae hyn wedi rhoi darlun clir i ni o farn a phrofiadau uniongyrchol croestoriad cynrychioliadol o'r cyhoedd ac ehangder sector treftadaeth y DU.

Roedd yr ymatebion yn fwy na'n disgwyliadau yn y nifer a'r angerdd roedden nhw'n ei ddangos.

Eilish McGuinness, Prif Weithredwr Cronfa Treftadaeth y Loteri Genedlaethol

Beth ddywedoch chi wrthon ni

Themâu allweddol

Daeth pedair thema i'r amlwg yn gryf o'n cwestiynau am yr hyn rydych chi am i ni ei flaenoriaethu yn ein cyllid:

- **Gwarchod, diogelu ac arbed treftadaeth**, sicrhau ei fod yn berthnasol ac yn addasadwy ar gyfer cenedlaethau'r presennol a'r dyfodol.
- **Ymateb i'r argyfyngau hinsawdd a natur** a hyrwyddo cynaliadwyedd amgylcheddol ar draws pob math o dreftadaeth. Helpu treftadaeth i addasu i effeithiau'r argyfyngau a chefnogi adferiad byd natur.
- **Cynhwysiant, amrywiaeth a hygyrchedd** ar draws pob math o dreftadaeth, gweithlu, arweinyddiaeth a chynulleidfaoedd.
- **Gwytnwch ariannol** a'r angen am gyllid tymor hwy ac arallgyfeirio incwm.

Ein rôl

Fe ddywedoch chi wrthym y gallem wneud hyd yn oed mwy i gefnogi sector treftadaeth y DU drwy:

- hwyluso partneriaethau rhwydweithio, cydweithio ac aml-asiantaeth
- creu system i rannu gwybodaeth ac arfer gorau rhwng sefydliadau a phrosiectau
- cefnogi meithrin capasiti, gwirfoddolwyr a hyfforddi a datblygu staff, yn ogystal â chyllid tymor hwy

Rydym wedi ymrwymo i sicrhau bod ein gweledigaeth yn cael ei seilio ar farn a phrofiadau'r rhai sy'n cynnal ac yn elwa o'r prosiectau treftadaeth rydym yn eu hariannu.

Eilish McGuinness, Prif Weithredwr Cronfa Treftadaeth y Loteri Genedlaethol

Sut wnaethoch chi ein herio ni

Pan wnaethom ofyn i chi am ein chwe amcan drafft, roeddech yn gefnogol yn fras, ond yn teimlo'n gryf bod:

- roedd yr argyfyngau hinsawdd a natur, a chynaliadwyedd amgylcheddol yn ehangach, ar goll
- Doedd 'treftadaeth i bawb' ddim mor gryf â'n safbwynt presennol i dreftadaeth fod yn 'gynhwysol'
- roedd angen i'r amcanion fod yn fwy pendant, yn gliriach a dylen ni symleiddio amcanion sy'n gorgyffwrdd

Cipolwg gwerthfawr

Meddai Eilish McGuinness, Prif Weithredwr Cronfa Treftadaeth y Loteri Genedlaethol: "Rydym yn ddiolchgar i bawb a rannodd eu barn gyda ni. Roedd yr ymatebion yn fwy na'n disgwyliadau mewn nifer a'r angerdd roedden nhw'n ei ddangos.

"Mae wedi atgyfnerthu y cysylltiad pwerus sydd gennym i gyd i dreftadaeth a pham bod y gwaith rydyn ni i gyd yn ei wneud mor bwysig.

"Rydyn ni wedi clywed yr hyn ddywedoch chi wrthym ni ac rydyn ni'n defnyddio eich mewnwleddiad i lunio ein strategaeth newydd. Rydym wedi ymrwymo i sicrhau bod ein gweledigaeth yn cael ei seilio ar farn a phrofiadau'r rhai sy'n cynnal ac yn elwa o'r prosiectau treftadaeth rydym yn eu hariannu."

Beth sy'n digwydd nesaf

Byddwn ni'n lansio ein strategaeth newydd 10 mlynedd yn gynnar y flwyddyn nesaf. Bydd yn amlinellu ein gweledigaeth ar gyfer treftadaeth y Deyrnas Unedig dros y ddegawd nesaf.

Bydd rhagor o fanylion am yr hyn y byddwn yn ei ariannu a sut y byddwn yn targedu ein buddsoddiadau yn dod yng ngwanwyn 2023 pan fyddwn yn lansio ein cynllun cyflawni tair blynedd cyntaf.

Yn y cyfamser, dylech barhau i wneud [cais am gyllid](#) gan ddefnyddio ein canllawiau a'n [canlyniadau cyfredol](#).

[Cofrestrwch i'n cylchlythyr](#) a dilynwch ni ar y [cyfryngau cymdeithasol](#) i dderbyn rhagor o ddiweddariadau strategaeth fel sydd gennym ni.